

'ի Կոստանդինուպօլիս . յայնժամ տնօրինեացի որ ինչ հարկն է , և չէ ինչ վնասակար եթէ գրեացի վասն այսր հրովարտակ , ըստ որոշման ատենին գրեցաւ հրովարտակ , և 'ի հասանելն յերուսաղէմ՝ ընթերցաւ 'ի Դատարանի :

Յայնժամ Կոստակալն Ալի Փաշա , Ոստիկան Նէպի Էֆէնտի՝ Դատաւորն և մեծամեծք այլազգեաց , Հայք և Յոյնք ժողովեցան 'ի Ս . Յարութիւն , վերստին քննեցին ըստ հրամայելոյ հրովարտակին , եւ ստուգեալ հաստատեցաւ թէ՝ սենեակքն այնոքիկ էին նախ քան զհրդեհն , և թէ յետոյ ոչ շինեցան , և 'ի քննութեան ոչ մուծան յարձանագիր , և վասն այսր Դատաւորն Համուլլահ տուեալ էր գիր Հայոց , մատուցին և զայն : Դատաւորն զանց արար զնովաւ և առեալ զմեծամեծս այլազգեաց մեկնեցաւ անտի , և առանց վախճան տալոյ գործոյն , ետ Յունաց Իլամ և Հէօճճէթ . իսկ Պատրիարքն Հայոց վերստին գրեաց 'ի Կոստանդինուպօլիս՝ առաքելով զգիր նախկին Դատաւորին և զյատակադիծ տեղւոյն , և մատուցաւ 'ի Դուռն , և դարձեալ խնդրեցին հրաման վասն շինութեան սենեկաց : Եւ պարքոսն հրամայեաց ակնարկել յարձանագրութիւնս Դիւանին եւ գտին՝ զոր ինչ գրեալ էին յայնժամ յերուսաղէմէ , թէ ըստ հրովարտակին եղեւ քննութիւն վասն սենեկացն Հայոց . այժմ նոքա շերեւին 'ի միջի , զի այրեցան 'ի հրդեհին , և յետոյ Յոյնք ոչ շինեցին . Յոյնք յայտնուէս ուրացան , և 'ի ձեռս երկաքանչիւր ազգոց են թըղթեանք հակառակ միմեանց , ուստի հարկ եղեւ անտես առնել , եւ 'ի գիրս նախկին Բդեշխին ոչ նշմարին , որ տըւեալ է Յունաց յետ աւարտման շինութեան . նոյնպէս և 'ի գիրս Դատաւորին , և 'ի տեղեկագիրս Նէպի Էֆէնտեայ , գործն համեմատ Կայսերական հրամանին աւարտեցաւ ասէ , իսկ գրեանք նախկին Բդեշխին , Դատաւորին և վերատեսչին միմեանց հակառակ են , նաեւ Կայսերական հրովարտակին , և այս եւս յայտնի տեսանի՝ զի գոյութիւնք սենեկաց նախ քան զհրդեհն էին , և զկնի այսր ո՞վ արդեօք խնդրեաց հրաման շինութեան , եւ ո՞ր ազգ տիրեաց . 'ի նամակս և 'ի ծանուցագիրս չնշմարի կէտ ինչ , ուստի խնդիրն վերստին հարցման և քննութեան պէտս ունի . այս է արտագրութիւն արձանագրութեան Կայ-